

四庫全書

子部

欽定四庫全書

子部
玉海卷一百九十八

詳校官中書臣張經田

主事臣祁韻士覆勘

總校官進士臣朱 鈐

校對官主事臣陳文樞

謄錄監生臣吳向仁

欽定四庫全書

玉海卷一百九十八

祥瑞

動物

龍

大皞龍紀 景龍 神龍負圖

左傳大皞氏以龍紀注有龍瑞以龍命官 宋志定儀

宋 王應麟 撰

玉海 二

氏受龍圖畫八卦有景龍之瑞赤龍河圖者地之符也

王者德至淵泉則河出龍圖 漢百官表注庖羲將興

神龍負圖而至因以名師與官 張衡賦龍圖授羲龜

書畀姒 帝王世紀太昊有景龍之瑞故以龍紀官

黃帝龍見

史封禪書漢公孫臣云黃帝得土德黃龍見

索隱曰出呂氏春秋

淮南子黃帝治天下而力牧泰山稽輔之青龍進駕

魏文帝雜占云黃帝錄圖五龍舞河

黃帝龍負圖 舜黃龍負圖 堯龍叙圖

河圖黃龍負圖授黃帝

黃帝夢兩龍授圖有魚孔白圖

舜即位黃龍五

采負圖以黃玉為柙玉檢金繩芝為泥 顧野王符瑞

圖黃帝世魚龍負圖從河中出付黃帝虞舜時黃龍從

洛水出詣舜鱗甲成字舜即位與三公臨觀黃龍五采

負圖出舜前 文選石闕銘納龍叙之圖注堯遊河渚

赤龍負圖以出 尚書中候堯即位七十載修壇河洛

仲月辛日禮備至於日稷榮光出河龍馬銜甲赤文綠

色臨壇吐甲圖堯火德故赤龍應馬舜沈璧於河榮光
休至黃龍負圖 瑞應圖舜東狩黃龍負圖置舜前

典引升黃輝采鱗於沼

注黃龍

唐有黃龍負圖旗 宋

志黃龍四龍之長德至淵泉則黃龍遊於池

堯龍圖

宋志堯觀於三河常有龍隨之龍負圖而至其文曰亦
受天祐舜設壇於河至於下具榮光休氣至黃龍負圖
長三十二尺廣九尺出於壇畔赤文綠錯其文言當禪

禹元命苞堯遊河渚赤龍負圖以出圖赤如綈

禹二龍 黃龍負舟

括地圖禹平天下二龍降之禹御龍行域內既周而還

宋志禹即位洛出龜書六十五字是為洪範南巡狩

濟江中流有二黃龍負舟云云龍曳尾而逃 吳越春秋

禹會諸侯於塗山執玉帛者萬國濟河黃龍負舟舟中

人懼禹仰天嘆曰吾受命於天竭力而勞萬民何憂於

龍馬視龍猶蜿蜒顏色不變龍俛首低尾而逝 博物

志夏德之盛二龍降之禹使范成光御之以行域外
山海經大樂之野夏后啓於此舞九代馬乘兩龍 封
禪書夏得木德青龍止於郊

周青龍銜圖

尚書中候檇雒戒周公旦即攝七年鸞鳳見葭莢生青
龍銜甲元龜背書 宋志周公旦與成王觀於河洛沈

璧禮畢王退俟至於日昧榮光並出幕河

一作塞河青雲浮

至

一作浮洛

青龍臨壇銜玄甲之圖吐之而去禮於洛亦如

之玄龜青龍蒼光止於壇背中刻書赤文成字周公
援筆寫之

漢龍見 八龍

漢文帝十五年春黃龍見成紀上乃下詔議郊祀服色
宣帝甘露元年四月黃龍見新豐二年春正月詔曰黃

龍登興黃龍元年二月見廣漢因以冠元伏侯古今注高祖五年見

華陽池十餘日九年見長安五鳳四年出廣漢甘露元年見新豐二年見上郡騰耀五色升天丞相以下上壽

成帝鴻嘉元年冬見真定永始二年見東萊光武建武

十二年六月黃龍見東阿章帝建初三年見汝南五年

八月零陵獻芝草有八黃龍見於泉陵

古今注曰見零陵泉陵湘水中

論衡前世龍見不雙芝生無二甘露一所今上嗣位

以來八龍並出十一芝累生甘露流五縣德盛故端繁

也今上謂章帝

東觀記元和二年黃龍四見 宋志元年

以來至章和元年凡三年黃龍四十四見郡國

元和中青龍白

龍見郡國

封禪書宛宛黃龍興德而升招翠黃乘龍於沼

魏黃龍見 龍陂 青龍

魏志黃初三年黃龍見鄴西漳水北海王褒上書贊頌
詔曰昔唐叔歸禾東平獻頌 青龍元年正月甲申青

龍見邠之摩陂井中二月丁酉幸摩陂觀龍改陂為龍

陂 高堂隆傳青龍中復崇華殿時郡國有九龍見改

曰九龍殿

繆襲青龍賦

見初學記

劉劭龍瑞賦

太初

七年春龍見摩陂

晉龍見郡國

泰始元年十二月武帝初受禪白龍二見於郡國二年

青龍十黃龍九見弘農澠池五年青龍十見於滎陽二月辛巳白龍見於趙國六年夏四月白龍二見於東苑咸寧二年六月丙甲白龍二見於新興井中十一月白龍二見梁國太康元年八月白龍三見於永昌三年閏四月巳丑白龍二見於濟南五年正月己亥一云癸卯青龍二見於武庫井中六年九月白龍一見京兆九年十二月戊申青龍黃龍各一見魯國 宋元嘉二十五年黑龍見玄武湖北

唐龍見

貞觀三年五月癸亥龍見玉女泉二十年十一月汾州
言青龍白龍見白龍吐物初在空中有光如火至地陷
入地二尺掘之得玄金 太宗生有二龍之符 龍池

見前

柳宗元有賀滄州進白龍見圖

唐黃龍再見

景龍二年六月十五日黃龍再見於牛山潘炎賦曰非
同上天之五蛇有異渡江之一馬秦夢立乎廊時漢時

見於成紀彼昏一至此則重光錯甲鏤鱗分官紀號趨
紫鳳於丹穴越青鸞於女牀 二年九月五日見於上
黨伏牛山之南岡賦曰龍之至今歸有德符於黃兮土
之色將銜甲以無比與負舟而不同

祥符崇政殿觀龍

元年五月二十八日丙午召輔臣於崇政殿北廊觀中
使任文慶於茅山郭真人池所獲龍體長二寸許鱗細
腹如玳瑁帝作觀龍歌復送茅山池

麟 瑞獸

黃帝麒麟在圃 漢白麟

馬融廣成頌宿麒麟於西園注尚書中候曰黃帝時麒

麟在圃 漢武紀元符元年冬十月幸雍祀五時獲白

麟作白麟之歌

朝隴首覽西垠雷電秦
獲白麟爰五止顯黃德

元封元年用事

華山至於中嶽獲駁麋 郊祀志郊雍獲一角獸若麋

然有司曰陛下肅祗郊祀上帝報享錫一角獸蓋麟云

於是以薦五時時加一牛以燎賜諸侯白金以風符應

合於天也注改元狩元年終軍傳獲白麟一角而五

蹄宋志漢武太始二年三月獲白麟司馬相如封

禪書犧雙觝共抵之獸濯濯之麟游彼靈疇孟冬十月

君徂郊祀馳我君輿帝用享祉班彪傳注太始二年

獲白麟司馬遷作史記絕筆

黃帝白鹿 南夷獻鬯 澤獸

宋志黃帝時南夷乘白鹿來獻鬯澤獸黃帝時巡狩至
於東濱澤獸出能言達知萬物之精以戒於民為時除

害賢君明德幽遠則來跣蹄者后土之獸自能言語王者仁孝則來禹治水而至 說文神人以鷹遺黃帝

湯白狼銜鉤

宋志湯云有神牽白狼銜鉤而入商廟 白狼宣王得之而犬戎服 公羊疏宋氏云命以赤烏故周尚赤湯以白狼故尚白禹以玄珪故尚黑 田俅子成湯都亳有神手牽白狼口銜金鉤而入湯庭 論衡湯起白狼銜鉤 郭璞白狼贊應符變質乃銜靈鉤惟德是遠出

殷見周 瑞應圖王者仁智明括即至動準法度即見
周宣時見而犬戎服 崔融賀白狼表金精景鏢玉毳
霜翹

周麒麟遊苑

宋志成王麒麟遊苑 易正義周時獲麟乃為漢高之
應漢時黃星後為曹公之兆 吳越春秋禹云鳳皇棲
於木麒麟步於庭 蔡邕麟頌曰皇哉大角降生靈獸
視明禮修麒麟來乎 在郊毓質
游時呈祥

宋志九尾狐文王得之東夷歸馬漢章帝元和中九尾
狐見郡國 穆天子傳甲辰天子獵於滲澤得白狐玄
貉以祭於河宗

漢騶牙 白鹿 白虎

史記建章宮後閣有物狀如麋東方朔曰騶牙也遠方
當來歸義而騶牙見其後一歲昆邪王降封禪書武
帝苑有白鹿以其皮為皮幣以發瑞應造白金馬 宣
紀神爵元年詔曰元康四年南郡獲白虎後漢紀章

帝建初七年十二月癸丑幸長安進幸槐里岐山得銅

器又獲白鹿

宋志十月得白鹿於臨平二年白鹿見

元和三年白虎見彭城

東觀書元和

安帝延光三年七月馮翊潁川白鹿見六月扶風言白

鹿見雍

伏侯古今注孝和永元中豫章餘干得白鹿

高丈九尺

鄭弘傳為臨淮太守白鹿方道挾轂而行

宋志白鹿王者明惠及下則至不暴則白虎仁瑞

應圖天鹿純善之獸

王褒講德論昔文王應九尾狐

而東夷歸周武王獲白魚而諸侯同辭周公受柎鬯而

鬼方臣宣王得白狼而夷狄賓今南郡獲白虎亦偃武
興文之應也獲之者張武武張而猛服也是以北狄賓

洽

漢駟虞

司馬相如傳囿駟虞之珍羣般般之獸樂我君囿白質

黑章其儀可喜眈眈穆穆君子之態

師古曰謂駟虞也

茲爾於

舜虞氏以興

大頰曰百獸舞則駟虞在其中矣

東京賦囿林氏之駟

虞注林氏山名駟虞義獸山海經曰林氏有珍獸大若

虎五采畢具尾長於身其名騶吾乘之日行千里劉芳
詩義疏曰騶虞或作吾 三禮圖尚書大傳說散宜生

等之於陵氏取怪獸尾倍其身名曰虞鄭云蓋騶虞也

周書曰英林酋耳若虎豹尾長三倍其身

於陵英林
聲相近

孫氏符瑞圖云白虎西方義獸白色黑文晉中興書白

虎尾參倍其身 詩注騶虞義獸也白虎黑文不食生

物有至信之德則應之疏鄭志張逸問傳白虎黑文蒼

曰周史王會云 周禮疏異義韓魯說騶虞天子掌鳥

獸官 賈誼書云騶者天子之囿也虞者囿之司獸也
典引擾緇文皓質於郊

漢馴象

武紀元狩二年夏南越獻馴象應劭曰教能拜起周章
從人意也

漢黃支犀

平紀元始二年春黃支國獻犀牛注應劭曰黃支在日
南之南去京師三萬里師古曰犀狀如牛四足類象黑

色一角當額鼻又有小角 章紀元和元年正月日南
獻生犀白雉 前西域傳烏弋有挑拔一名符拔似鹿師子犀
牛 後西南夷傳永元六年永昌郡徼外莫延慕義遣
使譯獻犀牛大象

漢九真奇獸

宣紀神爵元年三月詔曰廼元康四年九真獻奇獸注
晉灼曰漢注駒形麟色牛角仁而愛人 西都賦九真
之麟注同大宛之馬黃支之犀條支之鳥殊方異類至
宣紀

於三萬里 爾雅注九真獵得一獸大如馬一角即驪也 哀紀禁郡國無得獻名獸

漢白兔

光武紀建武十三年九月日南徼外蠻夷獻白雉白兔
古今注成帝建平元年山陽得白兔章帝元和二年
白兔見 宋志白兔王者敬耆老則見章帝元和中見
郡國魏黃初中郡國十九言白兔見 瑞應圖王者恩
加耆老則見 抱朴子鹿兔壽千歲滿五百歲則色白

晉泰始五年七月己亥見北海咸寧二年十月癸亥
見河南 元帝時王廙作白兔賦 通鑑外紀周宣三
十年有兔舞於鎬京

漢北海一角獸 麒麟見郡國

古今注章帝建初二年北海得一角獸大如麕元和二
年麒麟見陳 章紀章和元年七月壬戌詔曰乃者鳳

凰仍集麒麟並臻東觀記麒麟五十二 安紀延光三年七月賴

川麟見 宋志元和二年至章和元年凡三年麒麟五

十一見郡國一角獸天下平則至三角獸法度修則至
典引肉角馴毛宗於外國

晉白麟 騶虞

晉紀武帝泰始元年十二月二年十二月麟見郡國

宋志

云元年十二月見南郡咸寧五年二月甲午白麟見平原九月甲

午麟見河南太康元年四月白麟見頓丘成帝咸和八年五月己巳麒麟騶虞見遼東簡文咸安二年三月騶虞見豫章安帝隆安二年十月騶虞見新野 宋志元

帝大興元年正月戊子麟見豫章

郭璞麟贊

薛綜有頌

晉白麋

宋志白麋王者刑罰理則至晉咸寧二年七月壬辰見魏郡天鹿者純靈之獸也五色光耀洞明王者道備則至角端者日行萬八千里又曉四夷之語明聖在位明達方外幽遠之事則奉書而至咸康八年七月燕國言白貉見永和十二年九月甲申白兔見鄱陽太守王耆之以獻并上頌一篇殷仲堪上白鹿表白

者正色鹿者景福 宋元嘉二十年十二月白熊見
新安

唐麟趾

高祖武德三年七月鄴州言麟見高宗龍朔三年十月
十六日絳州介山麟見二十六日含元殿前麟趾見二十

月庚明年正月改元麟德銀臺閣內憲宗元和元年麟

見東川段文昌平淮碑云見草木疏麟麇身牛尾馬

足黃色圓蹄一角角有肉音中鍾呂行中規矩王者至

仁則出

公羊曰仁獸有王者則至
公曰信而應禮以足至者也

毛

貞觀二十年

二月鄆州言一角獸見顯慶元年二月岐州獲一角獸

開元七年閏七月揚州奏一角獸見 李嶠賀麟跡表

祥開紫掖瑞感玄枵

春秋緯歲星散為麟
機星得則麟生

隋義寧二

年仁壽宮獲白麟更郡曰麟遊

唐騶虞圖

武德二年六月澤州言騶虞見五年正月豐州言騶虞

見七年仁州見九年十月沂州言騶虞見

太宗

貞觀二年

十月安州言騶虞見六年四月楚州見九年閏四月衡
州十年三月襄州十五年四月慶州十九年二月徐州
二十一年十月南代州見太和元年十一月河中薛平
奏虞鄉騶虞見畫圖進上百官稱賀孫氏瑞應圖王者德
至鳥獸澤洞幽冥則見 白居易有騶虞畫贊

唐麟見

武德九年九月西麟州言麟見貞觀三年五月乙丑幽
州言麟見九年十二月獲麟於德州十一年五月麟見

京師之後苑開元元年十二月麟見於峽州

唐白鹿

武德二年正月壬子麟州獻白鹿九年六月益州獻白鹿貞觀八年四月沂州言白鹿見十年二月見於九成宮之冷泉谷十三年正月濟州獻白鹿十七年閏六月丹州獻白鹿十八年八月趙州獻白鹿二十年九月澤州見開元十三年五月甲午潞州白鹿見二十三年二月丁未絳州白鹿見天寶四載八月戊子有斑鹿產白

鹿於苑中獻之上曰縞質霜毛變林虞之獸族殊姿馴
性寶雲駕之龍媒貞元十四年九月丁卯中書賀苑中
獲白鹿元和十年五月壽昌殿南獲白鹿麕 權德輿
賀醴泉獲白鹿表漢得之於槐里齊獲之於敏丘 虞
世南賦素毳呈采霜毫應圖 李蒙上林白鹿賦畫輜
為飾緣績稱珍炯如玉立皎若霜萃勁角昭勇縞色呈鮮
質皜耀以霜潔角林離而玉秀 令狐楚表周因征
伐而獲漢自郊祀而錄

魏文帝初郡國奏白鹿十月見晉泰始八年十月見扶
風太康元年三月見零陵泉陵五月甲辰見天水元帝
建武元年五月見高山縣大興三年正月白鹿二見豫
章四月見晉陵延陵成帝咸和四年五月甲子見零陵
洮陽七月長沙獻之九年八月見長沙咸康二年七月
見豫章大元十六年三月癸酉豫章守范甯獻白鹿一
十八年五月辛酉見江乘二十年九月丁丑見巴陵

唐白兔

開元十一年二月赤兔見后土壇

宋志赤兔王
者德盛則至

十五年

四月彭州言白兔見永泰二年乾陵得赤兔大厯六年

獲白兔於太極殿內廊貞元十五年五月丁巳延州進

玄兔十八年八月徐州獻嘉瓜白兔 柳宗元賀表金

風發祥白兔來擾告有秋之嘉應著成歲於神功 韓

愈賀徐州白兔狀瑞兔毛質皦白天馴其心其始實得

之符離安阜屯兔陰類也又窟居狡而伏逆象也今白

其色絕其羣也馴其心化我德也人立而拱革而從人

且服罪也符離實戎國名在軍田武德行也不戰而來
之之道也 貞元十二年太原李說進嵐州白兔狀白
為正色兔實仁獸皓質玉立素毛霜垂清明不遜於
殷狼皎潔可齊於周鹿標中瑞之科皓然養素恬爾守
柔方弘三面之仁果應千齡之瑞 權德輿賀河陽白
兔云惟此瑞獸是稱月精來應昌期皓然雪采純孝之
感 蔣防賦乘金氣而來因月輪而下飲玉池食瑤草
水光雪影 賀表豈比魯傳趙郡獨歌如練之詞實同

晉獲壽春又繼凝鉛之詠 來從月窟疊霜毳以蒙茸
獻自梁園聚冰亮而皎潔增輝瑞謀歸美皇猷 協太
陰之瑞應千歲之祥 靈窺效珍 晉張浚頌被白含
文 梁簡文白兔表四靈可邁既驗玉衡之精千歲變
采有符明月之狀豈殊丹岫之羽下止帝梧庶比素質
之禽得游君圃 庾信頌光鮮越雉色麗秦狐月德符
祥金精表瑞

唐獬豸

開元十九年九月神羊產京兆興平二十年三月有一
角獸肉角當頂白毛上捧識者以為獬豸 宋志獬豸

知曲直獄訟平則至 漢書注張揖曰獬豸似鹿而一

角人君刑罰得中則生於朝廷主觸不直者 獬豸賦

步玄墀以龍擾向彤庭而鸚視爾羊來思其儀孔嘉望

表知裏揆瑜識瑕騰雙眸而舉枉聳特角而觸邪神直

簪筆風清衣繡分兩造之疑冠百祥之特守法者仰之

以司南疾惡者投之於有北扶直指之角象繩愆之性

唐舞象 白象

德宗大厯十四年閏五月丁亥放舞象三十有二於荆

山之陽

會要澤州奏慶雲詔曰時和為嘉祥邕州奏金坑詔曰以不貪為寶

真臘傳大

厯中婆彌來朝獻馴象十一時德宗即位珍禽奇獸悉

縱之蠻夷所獻象蓄苑中元會充庭者凡三十二悉放

荆山之陽 常袞賀文丹國獻白象十一頭表隨萬國

而來庭與百獸而率舞如知禮樂之節益盛羽儀之容

獨孤授放馴象賦弭雄姿而屈猛志返諸林邑之野

歸爾梁山之隅時在偃兵宜嬰乎燧尾上惟賤賄寧恤
乎焚軀食豐草以垂鼻出平林而瞪目感以和樂亦參
乎百獸率舞奚必充帝庭之寶駕鼓吹之車周驅犀象
漢卻駿馬

爾雅南方之美者有梁山之犀象 孟子周公驅犀象
而遠之 春秋運斗樞瑤光之星散之為象 郭璞贊
象實魁梧體巨貌說 吳賀齋為新都太守孫權出租
道作樂舞象權謂齋曰今定天下使殊俗貢珍狡獸率

舞非君而誰 晉咸康六年林邑獻象一知跪拜 晉

諸公讚曰南越獻象養之臯澤之中 宋元嘉元年十

二月丙辰見零陵六年三月丁亥見安成

人君自養
有節則至

建隆白兔頌 至道赤烏白兔 黑兔

建隆二年三月壬戌鄆州獻白兔王著作頌乾德六年
作玉兔旗 頌曰仁施動物各得其宜兔擾中林不浴
而白無思不服覲德則純不角不牙秀出中山之族自
形自色皎同空谷之駒 至道元年四月二十九日乙

已知通利軍錢昭序表獻部內所產赤烏白兔各一表
云烏稟陽精兔昭陰瑞報火德繁昌之兆示金方柔服
之符念茲希世之珍罕有同時而見望宣付史館從之
上謂侍臣曰烏色正如渥丹信火德之應也五月戊辰
開封尹壽王言太康縣招慶鄉華陽村民獲黑兔一
以獻帝謂宰臣曰黑兔之來國家之慶也呂端對曰黑
者北方之色兔即陰類將有遠方望風稽首於北闕之
下乎 雍熙四年七月辛巳銀州獻白兔咸平四年五

月戊子亳州貢白兔詔還之祥符四年八月丁未又獻

之

元年十月乙未光密州貢白兔

六年八月甲子興元獻白兔九年九

月遼州獻白兔天聖九年五月宿州熙寧四年九月廬
州並獲白兔

周顯德元年汜水獻紫芝三年潁州獻白兔四年五月
癸卯學士陶穀進頌 玉兔曲毓質雪園淪精月殿

表記周宣舞鶴之年外攘復古按韓愈辨徐之說不戰
來戎

乾德馴象

見後 太平興國七年閏十二月庚寅占城國遣使乘象入貢方物詔留象南海豢養之八年九月丙子占城獻馴象能拜伏詔養於寧陵縣

開寶 祥符白鹿

開寶七年瓊州獻白鹿加仙鹿旗祥符四年正月庚子繇上得之陳堯叟取以獻七年二月幸亳州以真源所進靈芝白鹿列天書前天禧三年十月十八日後苑觀

滑州所獻鹿 瞻彼中林震於珍物 甡甡於野標一角
以為竒濯濯其儀閱千齡而成白 宛如雍時之符來
伏文王之囿 皓質玉映 周穆王伐犬戎得四白鹿
以歸

太平興國祥麟 雍熙一角獸

興國九年十月癸巳嵐州獻牝獸一角角端有肉詔羣

臣參驗徐鉉等以為祥麟有司作祥麟曲

仁獸效祥星
朽耀芒在郊

毓質游
時呈祥

雍熙二年閏九月己亥坊州進一角獸御崇

政殿召近臣等觀之

昔嵐貢者麟今坊貢者麒麟奉於苑中

嘉祐三年

六月丁卯交趾貢異獸二八月二十五日癸亥御崇政殿召輔臣等觀之司馬光作交趾獻奇獸賦其狀態頸而鳥喙豨首而牛身與夫雕題卉服之士南金象齒之珍歎紫闥而坐入充彤庭而並陳翔舞太和涵濡茂澤殊俗嚮臻靈獸來格雖漢室之初黑鷗貢於絕徼周家之隆白雉通於重譯不足方也 宗室叔裒進異獸歌

太平興國白鹿

見總瑞

淳化元年四月殿中丞宋炎言皇帝御極以來瑞牒昭著羽族之祥三十有七蹄角之瑞二十有六草木之異雲露之應不可具載願以付史館從之 淳化秘閣圖畫有李贊華千角鹿黃昌白兔皆一時之絕

慶元瑞象

慶元六年十月嘉泰二年九月開禧元年八月真里富

國貢瑞象

乾德五年八月有象自嶺南來至都城外獲之其後吳越廣南交州繼獻馴象四十五頭於南薰門外玉津園東北置養象所作馴象旗 熙寧六年七月頒南郊教象儀制

瑞馬

伏犧龍馬出河

書注伏犧氏王天下龍馬出河遂則其文以畫八卦謂之河圖 宋志龍馬者仁馬也河水之精

黃帝澤馬 飛黃服阜

淮南子黃帝治天下飛黃服阜高誘曰飛黃如狐背上
有角乘之壽三千歲 又有澤馬曰吉良 瑞應圖騰
黃神馬一名吉光 選赭白馬賦黃帝陟位飛黃服阜
郊祀歌日出入章嘗黃何不徠下應劭曰一名乘黃
龍翼馬身黃帝乘而仙 封禪書招翠黃乘龍於沼

堯龍馬圖

見壇類

舜乘黃

宋志舜時景星出房地出乘黃之馬

禹飛菟

吳志飛菟者神馬之名日行三萬里禹治水勤勞歷年
救民之害天應其德而至騷褻神馬也亦各隨其方而
至以明君德 隨巢子夏后之興方澤出馬

周吉皇乘

說文馬赤鬣縞身目若黃金名曰馮吉皇之乘周文王

時犬戎獻之 公羊疏禮說云大王得白馬朱鬣大貝
元龜 禮緯白馬朱鬣瑞於文王 山海經大封國有
大馬縞身朱鬣名曰吉良乘之壽千歲

漢余吾馬 渥洼馬

見馬政

漢滇池神馬

見白鳥

漢澤馬 魏澤馬 晉滇池神馬 梁寶馬頌

東京賦擾澤馬與騰黃 宋志騰黃者神馬也漢元和

中神馬見郡國

魏都賦喬雲翔龍澤馬千阜

注澤馬見上黨

顏延之賦魏德楙而澤馬效質注黃初中於上黨得澤

馬 晉孝武太元十四年六月甲申朔寧州刺史費統

言晉寧之滇池縣河水周迴二百餘里有神馬二匹一

白一黑出於河中去岸百步縣民董聰見之 梁太清

元年四月神馬出皇太子獻寶馬頌鸞眄善鳴龍儀美

稱王澤效祥朱鬣降祉千天駟百龍媒秣瑤粟委芳芻

唐龍馬

開元十二年五月太原獻異馬駒其耳如筒左右各一十六肋肉尾無毛二十九年三月甲申滑州刺史李邕獻馬一匹肉鬣麟臆嘶不類馬聲日行三百里邕任淄青日遇一老翁云聖主將得龍馬以應太平遂於青州馬會思家獲而獻之 柳宗元龍馬圖贊云明皇時靈

昌郡得異馬於河帝西幸西入渭水化為龍泳去 貞

觀二年九月甘州獻白馬朱鬣開元二年正月丙寅涼

州進朱駿尾白馬 張說監牧頌舉其神異則駒駘驤
裹乘黃茲白朝刷閭風夕洗天泉

祥符龍駒

九年十二月癸巳羣牧司言大名監產赤馬肉尾無鬃
是龍駒 過汗漫所不遊躡章亥所未迹 伯樂所選
伏波所模目散電兮彪駁喙含丹而虎呀躡紅雲而噴
玉雷赤汗以攢花 星精降兮河嶽動天駟入兮駑駘
空 夏后九代穆王八駿叶圖之駒稱德之驥 稟月

精法星象 噴玉勒而沫素鳴金珂而響清 溢鏡光
於金勒流雪采於花驄耀成華夏奪魄獠戎 名超茲
白瑞掩飛黃走險鹿駭望雲龍驤 握負圖之瑞總服
阜之靈

玉海卷一百九十八

欽定四庫全書

玉海卷一百九十九

宋王應麟撰

祥瑞

動物

鳳 祥禽

黃帝鳳凰翔庭 銜圖 巢阿閣

淮南子黃帝治天下鳳凰翔於庭

律之初生
寫鳳之音

二皇鳳至

於庭

伏羲
神農

三代鳳止於門

堯舜

周室鳳至於澤德彌澆

所至彌遠德彌精所至彌近

韓詩外傳黃帝問天老

鳳象對曰鴻前麟後龍文龜身燕頤鷄喙帝齋於殿中

鳳凰蔽日而至帝再拜稽首皇天降祉不敢不承命鳳

乃集東園棲梧桐食竹實天老曰國安其主好文則鳳

凰居之今鳳皇翔於東郊而樂之其鳴音中夷則與天

相副

說苑同
選注引

白虎通曰

止於東園
禮瑞命記鳳止帝園

春秋緯合誠圖

黃帝游碓水上與大司馬容光等臨觀鳳凰銜圖置帝

前帝再拜受圖

帝坐元扈
注石室名

尚書中候握河紀曰堯即

位七十年鳳凰止庭伯禹拜曰昔帝軒提象鳳凰巢阿

閣

見春秋正義
又云黃帝鸞鳥來儀

詩正義元命苞云鳳凰銜圖

置帝前黃帝再拜受 帝王世紀黃帝坐於元扈有大

鳥體被五色三丈蓋鳳也 宋志黃帝黃服齋於中宮

坐於元扈洛水之上有鳳凰集不食生蟲不履生草或

止帝之東園或巢於阿閣或鳴於庭其雄自歌其雌自

舞麒麟在囿神鳥來儀五十年秋七月庚申天霧三日

三夜晝昏黃帝以問天老力牧容成曰何如天老曰國
安其主好文則鳳凰居之今鳳凰翔於東郊而樂之其
鳴音中夷則與天相副天有嚴教以賜帝帝勿犯也霧
除遊於洛水之上見大魚魚流於海得圖書焉龍圖出
河龜書出洛赤文篆字少昊登帝位有鳳凰之瑞高辛
氏使鼓人拊鞀鼓擊鐘磬鳳凰鼓翼而舞鳳凰仁鳥也
其鳴雄曰節節雌曰足足晨鳴曰發明晝鳴曰上朔夕
鳴曰歸昌昏鳴曰固常夜鳴曰保長

少皞氏鳳紀

左傳少皞氏鳳鳥適至故紀於鳥鳳鳥氏歷正也注鳳
知天時正義運斗樞云天樞德見則鳳凰翔

少昊氏赤燕

田佚子赤燕一羽飛集少昊氏之戶遺其丹書 拾遺記

黃帝時祗支國獻重明鳥 瑞應圖黃帝習樂崑崙有
元鶴集其右堯時青鶴音中律呂

堯鳳巢阿閣

荀子解蔽篇詩曰鳳凰秋秋其翼若干其聲若簫有鳳
有凰樂帝之心此不蔽之福也注逸詩也帝蓋謂堯也
堯時鳳凰巢於阿閣

堯鳳凰負圖 止庭

春秋合誠圖堯坐中舟與太尉舜臨觀鳳凰負圖授堯
赤玉為柙黃玉檢白玉繩其章曰天赤帝符璽五字

楊子鳳凰踳踳匪堯之庭 宋志堯在帝位七十年鳳
凰在庭

舜鳳凰巢庭 鳳凰來儀

書益稷簫韶九成鳳凰來儀 宋志舜即位鳳凰巢於

庭 書帝命驗赤鳳來儀服虔云貌恭性仁則鳳凰來
儀 晉傳咸賦感聖化而來儀今讚簫韶於九成 中

候帝舜曰朕惟不乂百獸鳳晨注百獸率舞鳳凰司晨
鳴 魏志注舜禹有天下鳳凰翔 書大傳舜好生惡

殺鳳凰巢其木 劉向傳舜命九官衆賢和於朝則萬
物和於野故簫韶九成而鳳凰來儀 山海經丹穴之

山有鳥名曰鳳凰自歌自舞見則天下大安寧 郭璞
贊鸞翔女牀鳳出丹穴拊翼相和以應聖哲

舜三足鳥

古今注抱朴子虞舜至孝三足鳥集其庭 漢章帝元
年烏生三足色赤 烏三足陽數奇也 典引三足軒
翥於茂木

湯白鳩

宋志白鳩成湯時來至 魏黃初初郡國十九言白鳩

見 晉太始八年五月甲辰白鳩二集太廟南門太康
二年七月見太僕寺四年十二月見安定

湯黑玉

商頌疏中候雒子命云天乙在亳東觀於洛黃魚雙躍
出濟於壇黑鳥以雒隨魚亦止化為黑玉赤勒曰元精
天乙受神福

周鳳凰銜書 鳳凰歌

宋志文王孟春六旬五緯聚房後有鳳凰銜書游文王

之都書又曰五星聚房昭理四海周公旦攝政七年制
禮作樂神鳥鳳凰見葭莩生麒麟游苑鳳凰翔庭成王
援琴而歌曰鳳凰翔兮於紫庭余何德兮以感靈賴先

王兮恩澤溱

一作臻

于胥樂兮民以寧

琴操成王著儀鳳之歌

古

今樂錄成王時鳳凰翔舞作神鳳操曰鳳凰翔兮於紫

庭云尚書中候周公太平制禮鸞鳥見周書王會

西申以鳳鳥鳳者戴仁抱義掖信歸有德氏羌以鸞鳥

巴人以比翼鳥方揚以皇鳥蜀人以文翰方人以孔鳥

拾遺記成王四年旃塗國獻鳳雛載以瑤華之車駕
赤象至京師育於靈禽之苑及成王封泰山禪社首文
彩炳耀昭王二十四年塗循國獻青鳳丹鶴騫霄國
有黑鳳
說文成王時氐羌獻鸞鳥

周鸞鸞鳴岐山

元命苞武王受鳳書之紀 國語內史過曰周之興也

宋志 大 王 鸞鸞鳴於岐山注鸞鳳別名詩云鳳凰鳴矣于彼

高岡其在岐山之脊乎 選嵇康琴賦 舞鸞鸞於庭階

李善引國語周文王時鸞鸞鳴岐山 景福殿賦翔岐
陽之鳴鳳注引鸞鸞 貞觀政要魏徵上疏昔周文王
遊於鳳凰之墟襪系解顧左右莫可使者乃自結之周
文之朝盡為俊乂 書正義卷阿歌成王之德其九章
曰鳳凰鳴矣于彼高岡鄭云因時鳳凰至故以喻焉

周文翰

爾雅注逸周書曰文翰若彩鷄成王時蜀人獻之 漢
志管仲曰古之封禪西海致比翼之鳥

爾雅謂
之鷄

書目

師曠禽經一卷晉張華注按康成釋深衣疏謂其語出
禽經今此書無有 東京賦鳴女牀之鸞鳥舞丹穴之
鳳凰注女牀山名在華陰西六百里山海經曰女牀之
山有鳥狀如鶴五色文名曰鸞鳥見則天下安寧丹穴
之山有鳥如鵠五采名曰鳳凰飲食自歌自舞見則天
下安寧 穆天子傳仲秋丁巳天子射鹿於林中乃飲
於孟氏爰舞白鶴二八

周赤鳥 白雉

中候周紀武王渡孟津有火自上復於下至於王屋流

為烏其色赤其聲魄

董仲舒曰受命之符

墨子赤烏銜珪降周

之岐社曰命周文王代殷

詩臣工於皇來牟箋赤烏

以牟麥俱來

思文正義書說曰烏有孝名武王卒父

業故烏瑞臻赤周之正穀記后稷之德禮說曰武王赤

烏穀芒應

史記封禪書周有火德有赤烏之符

呂

氏春秋文王之時赤烏銜丹書集於周社故其色尚赤

魏志楊阜上疏曰文王有赤烏之符

許芝曰湯之王白烏為符文王

為西伯赤
鳥銜丹書

吳志張紘書曰殷湯有白鳩之祥周武有

赤鳥之瑞

宋志武王有火自天止於王屋流為赤鳥

鳥銜穀焉

述異記周成王元年貝多國人獻舞雀周

公反命之韓詩外傳成王之時越裳氏重九譯而至

獻白雉於周公

宋志作
越常

周赤雀

詩文王正義中侯我應及雉師謀說文王之事言赤雀丹
書易通卦驗言文王得赤鳥而演易是類謀曰受赤雀

丹書春秋元命苞曰鳳凰銜丹書於文王之都六藝論
言瑞命之事云湯登堯臺見黑鳥至武王渡河白魚躍
文王赤雀止於戶秦穆公白雀集於車 宋志周文王
時赤雀銜丹書來至 春秋考異郵黃帝將興有黃雀赤
頭立於日旁帝曰黃者土之精赤者火之榮雀者爵也
余當王立大功乎

漢赤鴈

武紀太始三年二月 宋志三
月五日 行幸東海獲赤鴈作朱鴈

之歌 禮樂志郊祀歌象載瑜十八赤鴈集六紛員殊

翁雜

翁鴈頭

五采大神所見施祉福登蓬萊結無極

漢甘泉羣鶴

武紀後元元年二月詔曰朕郊見上帝

春正月

巡于北邊

見羣鶴留止以不羅罔靡所獲獻薦於泰時光景並見其赦天下

漢青雀

初學記洞冥記漢武帝生時有雀羣翔於灞城門改為

青雀門乃飾以錦文石為列錢之形 漢武內傳有蒙
山白鳳

漢鳳凰

詳見總瑞 漢紀昭帝始元三年冬十月鳳凰集東海

遣使者祠其處元鳳元年改元八月注應劭曰三年中鳳凰

比下東海海西樂鄉於是以冠元 宣帝本始元年五

月鳳凰集膠東千乘四年五月集北海安丘溥于二縣屬北

海地節二年夏四月集魯郡羣鳥從之元康元年三月

詔曰鳳凰集泰山陳留

表是歲少府宋疇坐議鳳凰下彭城未至京師不足美貶泗水

太二年三月以鳳凰集賜爵神爵二年二月詔曰迺者

正月乙丑鳳凰甘露降集京師羣從以萬數其赦天下

志幸河東之明年正月鳳凰集殺羽於所集處得玉寶神爵二年也四年二月詔鳳凰集

京師鸞鳳萬舉蜚覽翱翔止於后土祠旁十月鳳凰十

一集杜陵十二月集上林

郊祀志乃作鳳凰殿以荅嘉瑞在是年

五鳳三

年三月辛丑鸞鳳又集長樂宮東闕中樹上飛下止地

文章五色留十餘刻吏民並觀

先是鳳凰五至因以改元

甘露二年

正月詔迺者鳳凰甘露降集三年二月詔曰迺者鳳凰
集新蔡羣鳥四面行列皆向鳳凰立以萬數講德論鳳
凰來儀翼翼邕邕羣鳥並從舞德垂容神雀仍集麒麟
自至甘露滋液嘉禾櫛比

漢黃鵠下太液池 黃鵠經祠壇

昭紀始元元年春二月黃鵠下建章宮太液池中公卿
上壽賜諸侯王列侯宗室金錢各有差臣瓚曰漢用土
德服色尚黃鵠色皆白而今更黃以為土德之瑞故紀

之師古曰黃鵠乃大鳥一舉千里非白鵠也

西京雜記
帝作黃鵠

歌曰黃鵠飛兮下建
章羽肅肅兮行鎗鎗

古今注 惠帝五年七月黃鵠集

蕭池

後章紀元和二年二月辛未幸泰山黃鵠

三十經祠壇上東北過於宮屋翱翔升降

東觀
記云

白鶴

漢神爵集泰山

宣紀元康三年春神爵數集泰山賜諸侯王丞相將軍
列侯二十石等帛有差賜吏爵二級民一級女子百戶

牛酒鰥寡孤獨高年帛

漢神爵集雍

元康三年六月詔曰前年夏神爵集雍

晉灼曰漢注神爵大如鸚鵡爵黃

喉白頭黑背腹班文

今春五色鳥以萬數飛過屬縣翱翔而舞欲

集未下其令三輔毋得以春夏撻巢探卵彈射飛鳥具

為令 郊祀歌長麗前披光耀明注臣瓚曰長離靈鳥

舊說云鸞也 宋志五鳳三年正月神雀集京師神鳥

者赤神之精風俗從則至

漢神爵集長樂未央北宮 萬歲宮 威鳳

潁川鳳凰

紀元康四年三月詔曰迺者神爵五采以萬數集長樂未央北宮高寢甘泉泰畤殿中及上林苑朕之不逮寡於德厚屢獲嘉祥非朕之任其賜天下吏爵二級民一

級女子百戶牛酒三老孝悌力田鰥寡孤獨帛

明年改神爵元

年神爵元年三月詔曰迺元康四年神爵仍集南郡獲

白虎威鳳為寶

晉灼曰鳳之有威儀者與尚書鳳凰來儀同意

幸萬歲宮神爵

翔集

汾陰有萬歲宮是歲幸河東
曰前年神雀集於長樂宮故改元年

應劭

黃霸傳是

時鳳凰神爵數集郡國潁川尤多下詔稱揚京兆尹張敞舍鶡雀飛集丞相府霸以為神爵議欲以聞嚴延年傳時黃霸在潁川以寬恕為治屢蒙豐年鳳凰下上賢鳥下詔稱揚其行加金爵之賞郊祀志上自幸河東之明年正月鳳凰集祓禱於所集處得玉寶起步壽宮下詔赦天下後間歲鳳凰神爵甘露降集京師赦天下其冬鳳凰集上林迺作鳳凰殿以答嘉瑞明年正月

復幸甘泉郊泰畤改元曰五鳳鳳凰下郡國凡五十餘
所宣帝揚雄校獵賦發黃龍之穴窺鳳凰之巢臨麒麟
之園幸神雀之林 論衡宣帝時鳳凰集上林後又於
長樂宮東門樹上高五尺文章五色

漢白鶴集後庭 五色鴈集殿

郊祀志宣帝由武帝正統興故立三年尊孝武廟為世
宗行所巡守郡國皆立廟告祠世宗廟日有白 集後
庭以立世宗廟告祠孝昭寢有鴈五色集殿前西河築

世宗廟神光興於殿旁有鳥如白鶴前赤後青神光興於房中如燭狀 瑞應圖黃帝集崑崙以舞衆神玄鶴二八翔其左 淮南之經 鮑照之賦 翼松喬於碧落侶鸞皇於紫烟 唐舞鶴臺 哲宗朝翔鶴曲彼鳴在陰聲聞於天

漢神鳥集長樂宮

宋志漢宣帝五鳳三年二月辛丑神鳥集長樂宮東闕樹上又飛下地五采炳發留十餘刻章帝元和神鳥

見郡國

神鳥赤色而備五采鳴中
五音肅肅雍雍喜則鳴舞

漢白雉

素鳥

元始元年正月越裳氏重譯獻白雉一黑雉二詔使三公以薦宗廟 建武十三年九月日南徼外蠻夷獻白

雉 元和元年正月復獻

班固白雉詩啓靈篇兮披

瑞圖獲白雉兮效素鳥嘉祥阜兮集皇都發皓羽兮奮

翹英容絜朗兮於淳精章皇德兮侔周成永延長兮膺

天慶

光武時日南獻白
雉明帝時獲素鳥

明紀永平十一年時麒麟白

雉醴泉嘉禾所在出馬

章帝元和中國
白雉見郡國

郊祀志丙辰禪

泰山下陟東北肅然山縱遠方竒獸飛禽及白雉諸物

下詔改元為元封武

帝

漢潁川五鳳凰 神雀

紀光武建武十七年冬十月有鳳凰五見於潁川之邾

縣

東觀記曰鳳凰高八尺五采羣鳥並從行列蓋地
數頃停一十七日 光武生於濟陽鳳凰來集

章帝元和二年二月己未鳳凰集肥城

屬泰山郡

五月戊申

詔曰迺者鳳凰黃龍鸞鳥比集七郡或一郡再見及白

烏神爵甘露屢臻安帝延光三年二月戊子濟南言鳳

凰集臺縣十月壬午新豐言鳳凰集西界亭 賈逵傳

建初元年上疏麟鳳萬數嘉瑞雜選注章帝時鳳見百

三十九 五行志章帝末號鳳凰百四十九見何敞以

為羽孽樂叶圖徵說五鳳皆五色為瑞者一為孽者四

典引來儀集羽族於觀魏注貌恭體仁則鳳凰來儀

宋志章帝元和二年以來至章和元年凡三年鳳凰

百三十九見郡國

秦彭守潁川有鳳凰之瑞

漢神爵集宮殿 頌

賈逵傳永平中神爵集宮殿官府冠羽有采色者帝異之以問劉復復不能對乃薦賈逵博物多識帝詔見問之對曰昔武王終文之業鸞鷲在岐宣帝威懷戎狄神爵仍集此胡降之徵也帝勅蘭臺給筆札使作神爵頌

班超為西域都護獻大雀詔曹大家作頌

論衡 永平中神爵羣集孝明詔

上頌百官頌上文皆比瓦石唯班固賈逵傅毅楊終侯諷五頌金玉孝明覽焉 隋志傅毅神雀賦一卷 紀

永平十七年神雀五色翔集京師夏五月戊子百官上壽王景傳建初元年遷徐州刺史時有神雀諸瑞乃

作金人論頌洛邑之美天人之符注章帝時有神雀鳳

凰白鹿白鳥等瑞

章帝元和神爵白燕見郡國

典引奇獸神禽

漢白鳥 三足鳥 晉赤鳥

元和中蜀郡王追為益州太守政化尤異神馬四匹出
滇池河中甘露降白鳥見始興起學校漸變其俗 元
和二年三足鳥集沛國五月戊申詔白鳥神爵甘露屢

臻

又有赤
烏白燕

典引曰三足軒翥於茂林蔡邕曰烏反哺

之鳥至孝之應

大人賦西王母
有三足烏為使

古今注河平四年白

烏集孝文廟下

宋志三足烏王者慈孝天地則至漢

章帝元和中見郡國

瑞應圖宗廟禮敬備於孝慈則

白烏至孝慈動天地則三足烏來文王時見蒼烏王者

孝悌則蒼烏至

晉中興禎祥說白烏仁禽宗廟肅敬

則見

魏都賦莫赤匪狐九尾自擾莫黑匪烏三趾來

儀

晉明帝大寧元年郭璞上疏當有赤烏來集晉陵

以顯至德 吳武昌赤鳥見改年 齊高帝時白鳥至

漢條支爵

紀和帝永元十三年十一月安息獻師子及條支大爵

拾遺記 章帝時條支國貢異瑞有鳥名鷓鴣形高七

尺解人語其國太平則羣翔 漢武時四夷賓服有獻

馴鵲若有喜樂事則鼓翼翔鳴 前西域傳贊鉅象師

子猛犬大雀之羣食於外圍

條支國臨西海有大鳥

漢白燕

宋志白燕者師曠時銜丹書至漢元和中見郡國宋元

嘉元年七月壬戌集齊郡城白鳥王者宗廟肅敬則至

晉咸寧五年七月戊辰見齊南隰太康元年五月庚午

見襄城十年五月丁丑見長安明帝泰寧二年十一月

見京都宋元嘉二年十一月丙辰見山陽白雀王者爵

祿均則至漢元和初見郡國

章和中白雀見捷為

晉咸寧元年見

梁國太康二年六月丁卯二見河內河南 宋元嘉十

八年山陰獻白鳩何承天上頌曰翩翩者鳩亦皎其輝

理翮台嶺揚鮮帝畿二十四年九月庚戌又見沈演之
上頌曰有哲其儀時惟皓鳩性颺五教名編素丘殷歷
方昌婉翹來遊漢錄克韡爰降爰休豈伊赴林必周之
栩豈伊歸義必商之所惟德是依惟仁是處育景陽嶽
濯姿帝宇雉飛越裳鷺起西雍烝然戾止實兼斯容

晉咸寧元年四月丁巳白雉見安豐十二月丙午見梁

國三年十一月見渤海太康元年見中山

咸和九年五月癸酉白雉

見吳
宋元嘉二十二年白鵲見新野二十六年五月

癸酉見建康大明五年正月丙子交州獻白孔雀

魏赤雀 白雉

魏武執政赤雀見於庭一云白雀議郎魏不疑為頌 晉泰

始中白雀見宜陽北門荀遂為頌八年飛於金城見河

內洛陽太康三年見豫章十年見宣光北門 瑞應圖

王者養耆老尊有道則白鳩至成湯時集成王時至 晉泰始八年

五月甲辰白鳩巢廟闕一云集太廟南門 魏文帝延康元年

四月丁巳饒安縣言白雉見 黃初元年郡國十九言

白鹿白麋見三十七言甘露降三言嘉禾生十九言白
雀見白鳩見二言木連理朱草生文昌殿側郡國二言
醴泉出神龜出於靈池鏤中生赤魚 宋孝武上白雉
表陶氣仁風練色淳露

魏鳳凰見郡國

文帝郡國奏鳳凰十二見

晉鳳凰見郡國

晉紀武帝泰始元年十二月鳳凰六見郡國三年鳳凰

六見郡國五年五月辛卯見趙國穆帝升平四年二月

辛亥鳳凰將九雛見於豐城

十二月甲子復見

五年四月己未

見涪北

宋元嘉十四年正月戊戌鳳凰二見於都下

衆鳥隨之改其地曰鳳凰里

吳薛綜鳳頌

晉顧凱

之傳咸賦

郭璞贊

晉神雀

樂志傅玄改黃爵行為伯益言赤烏銜書有周以興今

聖皇受命神雀來也朱雀作南宿鳳凰統羽羣赤烏銜

書至天命瑞周文神雀今來游為我受命君 郭璞傳
明帝即位踰年暨陽縣言赤烏見璞請改年肆赦 隋
開皇十六年神雀降含章闈召百官賜宴許善心於坐
請筆製神雀頌 班固神爵之頌曹植嘉爵之篇漢
集泰時之殿魏下文昌之宮 孔圖獻赤荀文表白
梁大通九年白雀集東宮劉孝威上頌 薛綜赤烏頌
赫赫赤烏惟日之精朱羽丹質希代而生

唐白雉

武德二年正月寧州獻白雉貞觀十六年八月申州獻
白雉 紀武德元年十一月戊申禁獻異獸奇禽者

謝觀白雉賦歷雉門而捧進隨鴻臚而全入利嘴玉植
修領縞戢其淨珉潔其神露凝稟時清之化非日浴之
能

唐赤雀 神雀臺

武德八年五月三日

一云四月

赤雀巢于殿門宴五品已上

上頌者十餘人貞觀四年三月赤雀見萬年二十年四

月房州言赤雀見開元十七年五月甲寅有赤雀見於

翼州

宋元嘉二十年五月赤雀集南平

貞觀九年五月萬安縣獲白

雀開元十三年九月兗州奏白雀見十月丁卯太史奏

白雀見

地理志陝州峽石東有神雀臺天寶二年以

赤雀見置瑞應圖王者奉已儉約則赤雀見

唐鳳凰見

武德九年七月海州言鳳凰見太宗即位八月辛未嵩

州言鳳凰見九月洛州言赤雀見乙未莒州言鳳凰二

見羣鳥隨之其聲若八音之奏貞觀元年十月和州言
鸞見九年十月黎州言鳳凰見十年八月洛州言鳳凰
見二十一年四月兗州鸞見六月淄州言鳳凰見明

皇時揚仲昌對策第一為孝義令鸞降庭樹太守

蕭恕表其政 李程鳳巢阿閣賦厭丹穴而不息

鄙高岡而不鳴 黃帝服齋翔鳳臨於阿閣漢章

望祀飛鵠度於祠壇蓋高覽於德輝故亟昭於瑞

命

唐白鵲

通鑑貞觀二年九月嘗有白鵲巢於寢殿槐上合歡如腰鼓左右稱賀上曰此何足賀命毀其巢縱鵲於野外

開元八年十二月岐州進白燕九年三月白鵲見許

昌十八年四月辛酉壽州獻白鵲二十五年五月丁丑

白鵲見

開元中大理獄有鵲巢庭
羣臣稱賀以為幾致刑措

貞元十二年十二

月甲子左神策軍進白鵲 柳宗元賀白鵲表霜毛皎

潔玉羽鮮明白者正色實表金方鵲以知來式彰冠服

唐蒼烏 五色鴈

貞觀九年十二月京師蒼烏見貞元十一年二月同州
獻五色鴈 禮斗威儀江海不揚波東海輸之蒼烏

宋志君孝慈則蒼烏來宋大明元年五月蒼烏見襄陽

唐瑞雉

貞觀十六年一云十七年四月二日皇太子初立有雄雉飛

集東宮明德殿前上問褚遂良是何祥對曰昔秦文公
時童子化為雉雌者鳴陳倉雄者鳴南陽童子言曰得

雄者王得雌者伯文公遂以為寶雞祠漢光武得雄遂起南陽有四海陛下舊封秦故雄雉見於秦地

唐三足烏 白烏 赤烏

貞觀十七年五月雍州獻三足烏 貞元十一年六月

河陽獻白烏十一月己酉潭州獻赤烏 李雲卿京兆

獻三足烏賦瑞表孝紀名標秘圖 張說進白烏賦有

莫黑之凡族忽變白而効靈感上仁於孝道合中瑞於祥經既集王屋飛隨帝輦捧日高翥迎風細轉鑒深心

於反哺移報德於君親雪羽霜毛冰清玉狀 裴度白
烏呈瑞賦懷恩反哺養素來儀不染而成因心之孝惡
赤黑之眩人乃成形於皓皓

唐慈烏

五行志開元二十八年四月庚辰慈烏巢宣政殿楹

鵲鴿集麟德殿

見頌類

令狐楚賀白烏表宣武進白烏

并圖按漢成帝時白烏集於文武廟黑烏皆從頌類此

圖

唐白雀

貞元十五年正月潞州進白鳥二十一年七月辛卯又
獻白雀十三年四月辛興慶宮龍堂禱雨有白鷗鵲浮
沉水際羣類翼從左右以為龍之變化既而大雨 柳
宗元表云靈禽羣翔自成行列如隨威鳳以翼龍舟 謝
觀白雀賦黃以為名赤以為翼銜丹書以告社執玉環
以述職 開元乙卯歲東夷貢白鷹蘓頲作贊

建隆 咸平鷓鴣

建隆二年七月己卯隴州進黃鸚鵡亳州進芝草鄆州
進白兔學士王著作頌 淳化三年十二月閣婆貢白
鸚鵡 咸平六年九月壬辰蒲端國獻紅鸚鵡祥符四
年五月丁亥又貢

漢武元狩二年夏南越獻能言鳥注即鸚鵡也今隴西
及南海有之 宋元嘉二十九年南平王鑠獻赤鸚鵡
詔羣臣為賦袁淑謝莊作賦大明三年正月丙申婆皇
國獻赤白鸚鵡各一 隋開皇十八年林邑獻白鸚鵡

貢士試賦杜正玄作賦 唐太宗時屢有茲獻以勞費

弗受見漢書顏師古注 開元八年五月南天竺獻五

色鸚鵡十四年十月己巳有五色鸚鵡育宮中帝令左

右試牽御衣鳥輒瞋目叱咤岐王文學熊延景獻鸚鵡

篇以贊其事張說表賀十八年四月甲午廣州獻紅鸚

鵡 元和八年訶陵獻五色鸚鵡頻伽鳥 南州異物

志云有三種白青五色交州以南諸國有之白及五色

者性尤慧解 禰衡鸚鵡賦體金精之妙質含火德之

明暉紺趾丹背綠衣翠衿配鸞皇而等美馬比翼於衆禽
傳玄賦竒毛曜體綠彩含英鳳翔鸞跼孔質翠榮
李百藥賦繡領綺翼紅衿翠裳碧鷄仰而寢色金鵝
對而韜光遊萬年之木末翫四照於花叢 謝莊赤鸚

鵝賦月圖光於綠水雲寫影於青林審國音於寰中達
方聲於裔表 曹毗賦丹喙含暎紺葩煥翼 曹植賦

美中州之令鳥超衆類而殊名 顏延之白鸚鵡賦稟

儀素域 魏志注牙獸屈膝言鳥告歡

端拱丹鳳

端拱元年八月廣州清遠縣解舍有鳳高六尺衆禽從之淳化元年撰丹鳳曲

雍熙白鳥

二年五月壬申霸州獻白鳥十二月壬寅潭州獻白雀四年六月癸卯邢州進白鳥淳化四年十一月癸亥隴州獻白鷹詔還之太平興國九年十月內出潁川所獻白雉明年春廷試貢士以為賦題春秋感精符帝

德滂流四表則白雉見

治平三年還陳世修所獻白鳥

至道赤鳥

至道元年四月乙巳知通利軍錢昭序表獻赤鳥白兔

各一前見上謂侍臣曰鳥正色如渥丹信火德之符矣

淳化五年七月二十四日處州進白鵲祥符五年正月

辛未虔州獻白鵲十一月梓州獻白鵲一六年十

一月辛酉嵐州獻赤鳥李繼隆在北邊獲白鵲

作詩以獻太宗和賜之汪藻賀赤鳥白鵲表

烏本陽精鵲知歲事祚隆火德應在金穰協周家
玉屋之符異莊子雕陵之見孝能致哺喜必傳音
有生咸遂宜多可俯之巢同類相求將致來儀之

鳳

祥符神雀

五年十一月丙申朝元殿恭謝玉皇奉天書行事禮畢
有神雀及二鶴來集上作詩記之六年十月辛巳神雀
集真游殿 寶元二年二月乙酉興州長舉縣有雀羽

毛潔白背脚紅不類常鵲

景德鳳凰圖

元年八月十七日己巳白州言五月七日午時鳳凰三
自南入城中至萬歲寺前棲百尺木身長九尺高五尺
其文五色冠如金瓊至申時北向而去畫圖來上
宰臣奉表賀二年作丹鳳曲 伊九苞之神鳥稟
至陽之純粹負禮蹈信戴仁纓義瞻玄扈而來
思望黃紳而必至感六英而鼓舞聞九成而

來儀應升中而降止覽德輝而下之感唐堯而負圖為
少昊而司歷或五雛而十子或三文而五色因之作殿

為之改年其語翩翩其鳴鏘鏘晨云賀世集曰歸昌韓詩

外傳鳳鳴曰歸昌

出丹穴而德茂降紫庭而道光吳淑賦

矯矯

長離振羽來儀和音中律藻翰揚輝丹鳳曲

龜魚

伏羲龜書

見河圖

黃帝元龜

堯龜歷

龜負圖

黃帝魚符

魚圖

見圖類

禮舍文嘉伏羲德洽上下地應以龜畫

書一作

乃象作卦

堯德廣被四表龜龍致瑞 黃帝出軍決帝伐蚩尤夢

西王母遣道人披玄狐之裘以符授之力牧與帝俱到

盛水立壇祭以太牢有元龜銜符從水中出至壇中而

去視之乃所夢得符也 河圖堯沈璧於洛元龜負圖

帝王世紀黃帝游洛水見大魚魚流於海中負圖書

今河圖帝視萌之篇是也 述異記陶唐之世越裳國獻

千歲神龜方三尺餘背上有文皆科斗書記開闢以來

錄以為龜厯 梁劉孝儀上毛龜表元蔡赤文表軒皇

之政神龜青純彰姬公之德 堯則赤文而朱字周有青純而蒼光 爾雅

注河圖曰靈龜負書丹甲赤文 史記龜策傳龜千歲

乃遊蓮葉之上神龜出於江水中廬江郡常歲時生龜

長尺二寸者二十枚輸太卜官龜千歲乃滿尺二寸萬

畢石朱方傳曰有神龜在江南嘉林中巢於芳蓮之

上左脅書文曰甲子重光卜以造三周龜祝曰假之玉

靈夫子 索隱曰尊神龜而為之作號 書中候堯沈璧於洛元龜負

書赤文朱字沈璧於河黑龜出赤文周公攝政七年成
王觀於洛沈璧禮畢有元龜青純蒼光背甲刻書上躋
於壇赤文成字周公寫之 樂記青黑綠者天子之寶

龜書禹貢九江納錫大龜

顏師古曰
尺有二寸

大誥寧王遺

我大寶龜

宋志禹甲宮室靈龜見

天與禹洛出書神
龜負丈列背而出

孫惠龜賦有緇衣之大夫衣玄繡之衣裳

魏曹

植神龜賦懼沈泥之逢殆赴芳蓮以巢居

湯黑龜

宋志湯至於洛沈璧黃魚雙踴黑鳥隨魚止壇化為黑
玉又有黑龜並赤文成字王者德至淵泉則洛出龜書

湯黃魚出壇

詩正義中候湯沈璧洛水黃魚雙躍出濟於壇化為黑

玉

周魚入王舟

詩思文疏中候合符后云魚長三尺赤文有字題之目
下授右董仲舒傳天瑞應誠而至書曰白魚入於王

舟有火復於王屋流為烏

注今文
秦誓

此蓋受命之符也周

公曰復哉復哉

武王九年祭於畢觀兵於孟津
中流白魚躍入王舟王俯取以祭

司馬

相如傳周躍魚隕杭休之以燎

終軍傳昔武王中流

未濟白魚入於王舟俯取以燎羣公咸曰休哉

白魚登
舟順也

象征而
必獲

周青純龜

公羊傳龜青純注千歲之龜青髯

瑞應圖尚書中候

周公時神龜青純赤字

漢周餘龜

司馬相如傳獲周餘放龜於岐 洞冥記元封二年鄴

過國獻能言龜 史記樂書青黑緣者天下之葆龜也

漢神魚舞河

宣紀神爵元年三月行幸河東詔曰東濟大河天氣清

靜神魚舞河

漢海效鉅魚

宣帝詔武帝躬仁義厲威武上天報沉海效鉅魚 郊

祀歌河龍供鯉醇犧牲

漢神魚

宋志章帝元和三年正月車駕北巡以太牢具祠北岳

見黃白氣有神魚躍出十數

管仲曰古之封禪東海致比目之魚

爾雅謂之鰈

魏神龜

魏畧文帝初神龜出靈芝池

魏丹魚

五采魚

見上

魚生廟鼎

魏都賦丹魚生沼注延康元年赤魚見於太原郡王肅賀瑞表祖廟文昭廟魚生於鼎易中孚彖曰信及豚魚德及魚則無所不及

唐靈龜

貞觀十九年二月岳州獻毛龜二 玄宗先天二年八月江州獻靈龜六 眸腹下有元文象卦文開元二十四年八月戊申常州有神龜見綠毛黃甲大曆八年七月乙未蓬萊池獲毛龜出示百僚壬寅金門外水渠中

獲綠毛龜 天寶元年正月戊申安西都護田仁琬於
于闐東玉河獲瑞玉龜一畫以獻 蕭穎士千秋節進
毛龜云出洛登壇青文丹甲之瑞翠毛金介爍日霏烟
憲宗元和元年八月庚戌荆南獻毛龜二詔祥瑞不
得上聞

宋志神龜王者德澤湛清則出五色鮮明三百歲游於
葉葉之上三千歲常游卷耳之上明於吉凶 宋文帝
三獲白龜大明四年六月壬寅幸藉田白龜見於千畝

泰始二年八月丙辰朔四眼龜見會稽六年九月己巳

吳興獻八眼龜 齊永明五年六月建城獲四目龜八

月延陵獲六目龜

又永明中有獻青毛神龜一

梁天監五年四月

丙申始豐獲八目龜 後魏裴莊等上神龜頌 獨孤

申叔資州獻白龜賦皇帝在位十五載西人獻異龜於

王庭 孟津之鱗 越裳之雉 周存瑞龜游宮沼賦

序云十一年秋七月旬有一日龜游內池甲耀金毛文

滋六彩 文薦九疇兆成三吉六眸在首五色成文

玄甲繡裳

唐赤鯉

景龍三年春正月玄宗至於襄垣漳水有赤鯉騰躍聖
皇之瑞也潘炎賦曰魚在在藻躍於中流吾君戾止樂
我王游惟赤鯉之呈祥殊白鱗之入舟非竹箭之危湍
無間點額同昆明之望幸匪為吞鈎豈其為祥必河之
鯉用表皇族克繁帝祉頽鱗耀彩碧水無波周文之時
躍於沼漢宣之代舞於河宜徒鏤甲葺鱗下沿上沂

唐魚銘

神魚

見十
九瑞

開元二十一年二月衢州獲魚有銘侍中裴光庭等奏
賀曰魚龍為圖河洛所出比之盛時彼何足云 張九

齡賀瑞魚銘曰魚為龍象既彰受命之元銘作人文更
表錫年之永 崇文目異魚圖五卷

唐白龜

韓愈賀表鄂岳進白龜獲龜者獲蔡也白者西方之色
必擒其帥而得地聖德所施靈物來效太平之運其在

於今

乾德神龜 雍熙白龜 祥符瑞龜

乾德四年和州進綠毛龜作神龜曲雍熙中蘇州貢白
龜作白龜曲至道三年真宗即位五月癸酉蘇州貢白
龜一綠毛龜一甲戌壽州貢綠毛龜一帝曰龜有毛者
文治之兆祥符二年四月甲戌宜聖殿池獲綠毛龜示
輔臣工作七言詩近臣和四年七月甲申賜晏穎出身
穎獻文藻十卷上嘉其宮沼瑞龜賦召試三題而命之

祥符九年荆門
獻之詳見御詩五年三月庚辰兗州獻金色龜一四月

辛酉後苑池中獲綠毛龜上作七言詩閏十月己丑新

州獻盧江六眼龜七年正月丙辰明州獻青毛金文龜

一丘遲賀毛龜啓玄甲應於姬渚青髯符於夏室藏

采千載獻狀一朝寶瑞開圖珍祥異謀

懷星抱月
負字街書

吳淑賦負河圖之八卦標禮經之四靈 齊永

明中有獻青毛神龜一 禮統神龜之象上員法

天下方法地皆有盤法丘山元文交錯成列宿運轉應

四時 禮斗威儀君乘水而王江海著其象龜龍被文
而見 運斗樞瑤光星散為龜 星經天龜五
星南漢中

雍熙綠龜

詩見御

六眸龜

見後

至道元年七月丁巳永州言零陵得六眸龜一以獻詔
示近臣祥符九年九月戊子遼州獻白兔荆門軍獻綠
毛龜詔申諭諸路自今祥異勿復來貢嘉祐八年十月
鼎州芝草叢生下得異龜 名符在沼瑞應巢蓮 戴
記以在宮沼為王者難致之瑞 墨子夏后鑄鼎於昆

吾灼白若之龜

蠶

漢野蠶成繭

古今注元帝永元四年東萊郡東牟山有野蠶為繭

光武紀建武二年野蠶成繭被於山阜人收其利 吳

都賦國稅再熟之稻鄉貢八蠶之繇

交州記曰一歲八蠶出日南

唐野蠶成繭 綠蠶 蠶四熟

武德五年四月梁州野蠶成繭貞觀十二年滁州言野

蠶成繭徧於山阜九月楚州言野蠶成繭

紀貞觀二十
年是歲涿豪

二州野蠶成繭十三年是歲涿州野
蠶成繭十四年六月涿州野蠶成繭

十三年野蠶又食

柵葉成繭其色綠凡收六千五百七十石十四年六月

又收八千三百石文宗開成二年十月陳許奏野蠶自

生桑上三遍成繭連綿九十里百姓以為絲綿紬絹代

宗大厯五年九月太原奏文水縣冬蠶成繭 尹思正

治青州有績蠶至歲四熟路敬潛以為善政致祥 天

寶元年九月益州獻三熟蠶繭

宋野蠶成繭

乾德四年八月京兆府野蠶成繭節度使吳廷祚緘絲
以獻纖潤可愛開寶七年齊州奏野蠶成繭二萬枚五
月開封封丘民家蠶簇有繭成被廣五尺長倍之七月
陽武縣野蠶成繭九月長葛縣桑蠶成繭 咸平二年
七月庚戌開封獻野蠶絲祥符元年五月丙戌內出酸
棗民程矩家蠶自成被付朝堂示百官輕黃密綴非人
力可及五年五月藤州鍾津縣野蠶成繭是州不產蠶

此食山柘而成州織絲以奏六年六月藤州山柘蠶成
繭七月京北野蠶成繭八月亳州桑蠶成繭奉祀使丁
謂繰絲并絮以奏景祐四年五月庚申滑州言靈河縣
民家蠶自成被長二丈五尺廣四尺上以為祥賜其家
茶綵嘉祐五年十月深州言野蠶成繭被於原野石州
嘉禾合穗紹興二十二年五月容州奏野蠶成繭

宋元嘉十六年宣城宛陵野蠶成繭彌漫林谷大明三
年五月癸巳宛陵生野蠶三百餘里 吳黃龍三年夏

野蠶成繭 漢志雜占有相蠶十三卷 崇文目農家

淮南王蠶經三卷 孫氏蠶書二卷 至道元年五月十

九日同州馮翊民李元真獻蠶經一卷 留春禁中 禹

貢兗州桑土既蠶青州篚檠絲 山桑史記云禽絲 禹敷兗土

叙文篚於既蠶周述幽風首懿筐於載績 桑壇蠶館

園客之絲 列仙傳繭大如盆 水蠶之繭 拾遺錄東海圓嶠山有水蠶五色絲織為

文錦 展北郊之禮趨南陌之功 仙蠶曳繭美稼抽芒

崔融表 扶桑貢絲 梁四公記扶桑國貢黃絲三百斤 成匪婦功不假柔

桑之育化由天造奚煩燠室之居 或類八綿不資三

灑 周禮馬質注蠶書蠶為龍精月直大火則浴其種

漢書爾不蠶自成 荀子揚泉有賦 占之五泰

唐張良器海人獻冰蠶賦自堯年而效美願克垂拱之
裳 被阜以生漢庭熙洽食榭而化唐室隆平異吳都
之八蠶伴園客之五色

玉海卷一百九十九